


Alketab ka angguy nak - kanak  
ka angguy



Rato Se Becce',  
Rato Se Jahat



Etos bi': Edward Hughes

E elustrasi agi bi': Lazarus  
Alastair Paterson

E potdhut bi': Ruth Klassen

E terjemah agi bi': Anik Kongariawati

E gabay bi': Bible for Children  
[www.M1914.org](http://www.M1914.org)

©2023 Bible for Children, Inc.

Ba'na bisa pa - banyak otaba anyitah careta', se abit tah juelah.




Are sateya daddi are ce'  
malaratda gabay Manasye.  
Ramana, Rato Hizkiya la  
seda. Sateya, omorra  
dhubelles taon, Manasye  
kodhu daddi ratona omat  
Allah e Yehuda. Salerana  
ta' tao baremma'a  
daddina se marenta,  
tape Manasye marenta  
abidda 55 taon. Manasye  
buttohagi partolonganna  
Allah kaangguy daddi  
rato se becce'.




Tape Manasye ta' endhe' norot ka Allah ban alako se jahat. Manasye maddek kenengngan kaangguy nyemba brahala. Salerana abadhi arca ban esabe' e padalemman Allah se socce!

Allah la adhabu ka Musa,  
"Ja' maddek ca-arca. Ja'  
sojud anyembah otabe  
abekte ka ca-arca jareya.




Manasye alako jum-nujum  
ban elmo gaib. Salerana  
mimpin ra'yadda ce'  
jauhnya ka Allah. Rato  
aobbar keya tra-pottrana  
se lalake' ekagabay  
kurban ka brahala.

Dusana Manasye  
ce' rajana sampe'  
Allah ce' dukana.



Bekto ommat ta' ta'at, Allah marengngi ka  
reng-oreng jareya hokoman. Jareya  
kadaddiyan ka Manasye ban reng-oreng se  
eparenta. Allah madhateng tantara Asyur  
eparolok. Manasye etale'e laju egibe ka Babil.




Ngarasa kasangsara'anna e  
Babil, Manasye marendha ka  
Guste, Allah na. Salerana  
marendha e ajunanna Allah  
bangatowana ban adu'a ka  
Allah. Ta'dhe' pole se  
nyemba'a ka brahala se  
mate. Tape ponapa Allah  
se odhi' ajawab du'ana  
Manasye samarena  
kajahaddan se elakone?



Ye! Guste mireng du'ana rato  
jareya ban epabali ka  
Yerusalim, sarta epabali keya  
daddi rato. Ban Manasye  
partaje ja' Guste jareya Allah.



Rato Manasye daddi oreng se anyar. Salerana makalowar sakabbina arca dhari kenengnganna Allah ban epajauh la-allah laen ban brahala dhari Yerusalim. Laju ebuangnga kalowar kottha. Laju salerana marenta ra'yadda kaangguy abakte ka Guste Allah na Isra'il. Ce' aobana Manasye.



Samarena Manasye seda, pottrana dhibi'  
Amon, abali nyemba la-brakala. Tape salerana  
ta'endhe' marendha ka Allah akantha Manasye.  
La-mala Amon alako dusa ce' banya'na, aherra  
ba-pong gabana mate'e rato jareya e karatonna  
dhibi'. Salerana marenta abidda dhu taon.



Rato salanjangnga, Yosiya  
yuswana gi' ballung taon.  
Salerana marenta abidda 31  
taon ban alampa'agi se  
masenneng panggaliyanna  
Guste. Salerana epaancor  
sakabbina panyemba'anna  
laen ban la-allla laen. Padha  
nyatana, Yosiya epalejjer ban  
epaancor sakabbina arca  
jareya daddi serbuk.



Rato Yosiya se becce' jugan  
maberseh ban mateppa'  
Padalemman Allah. Pas maberseh  
badha imam se nemoagi' Ketab  
Hokoman Guste se eparengngagi  
kalaban parantarana Mosa.



Meyarsa essena Ketab  
jareya, rato laju  
nyebbit rasoganna.  
Yosiya tao ce' jahatde  
bangatowana ta'  
ajalannagi kon-  
papakonna Allah.



Badha nabbiya senyamana Hulda manapa' pessen Allah: "Sengko' ngokoma kenengngan jareya ban pandhudhu'na se badha e jadhiya sabab reng-oreng jareya la mongkere Sengko'."


Tape Yosiya marendha ban ta'at, okoman jareya ta' daddi ejalannagiya sampe' salerana seda.



Allah nolonge Yosiya kaangguy mimpinna reng-oreng sopaja abali ka Allah mbE settong are, salerana mimpin pasukanna aperrang, Yosiya ekenneng pana ban lokana berre'. Yosiya eangko' dhari karetana, ealle ka kareta laen pas egiba ka Yerusalim e dhisa' salerana seda. Ra'yat Yehuda ban Yerusalim padha sossa lantaran sedana ratona jareya, ban nganggit nyanyean tangesan se

etojjuwagi ka rato  
Yosia se becce'.





Ta' pate abit, karaja'an jareya la tadhe'. Tape e laen are, settong oreng rato marenta pole e Israel.

Nyama Na jareya RATO EATAS SAGALA RATO,  
BAN ALLAH EATAS SAGALA ALLAH. Bekto Yesus Kristus rabu se dhe'-adhe', Salerana e tola' ban e salib. Bekto Yesus Kristus rabu pole, Salerana ta' daddi Ratona e Israel, tape Ratona sakabbina bumi.



Rato Se Becce', Rato Se Jahat

Alketab jareya nyareta agi firmanna  
Guste Allah

se e bedhe' e

2 Babad 33-36

"Masuk ka firmanna Guste Allah e beri tera'."  
Bangsalam 119:130





Tade'



Careta Alketab notorragi Goste Allah paneka se becce se  
nyepta' agi manossa sopaja ba'na kenal ka salerana.

Goste Allah tao manossa ngaloko'agi se jube', se e sebut dusa.  
aokoman dusa jareya e patte'e, tape kataresna'anna Goste Allah ka  
manossa setalebat raja ban apereng Pottrana se coma settong,  
Yesus, se mate ekaju salib ban aokom kaangguy dusana ba'na. Laju.

Yesus a bungo ban abali ka sowarga! Bile ba'na partaje ka Yesus  
ban apenta saleranan ngamponi dusana ba'na salerana angalako agi.

Salerana rabu ban odhi ban ba'na sateya,  
ba'na odhi sareng salerana salanjangnga.

Bile ba'na partaje, ngadoa ka Goste Allah cara jareya: duh Goste  
Allah, abdi partaje ka Goste Allah, se daddi manossa laju seda  
sabab dusana abdi, ban Salerana odhi pole. Mara datheng ka odhi  
na abdi ban angapora dusana abdi, sopaje abdi odhi anyar, ban e are  
gu'laggu abdi olleh odhi ban Salerana. Abanto abdi noro'lampadda  
padana Salerana ban odhi na abdi daddi potrana Gustte Allah.

Ngabaca Alketab ban ngadoa ka Goste Allah ban are. Yahya 3:16

